

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Kantonalna uprava civilne zaštite

Broj: 18/1-40-022493-8/22  
Tuzla, 12.12.2022. godine

Direktor Kantonalne uprave civilne zaštite, na osnovu člana 70. stav 1. a u vezi sa stavom 3. Zakona o javnim nabavkama ("Službeni glasnik BiH", broj 39/14 i 59/22), u otvorenom postupku javne nabavke „Nabavka i isporuka visokotlačnih modula za gašenje požara” - LOT 1 , postupajući po uputama Ureda za razmatranje žalbi Bosne i Hercegovine, Filijala Mostar, datim u rješenju broj: JN2-03-07-1-3244-7/22 od 1.12.2022. godine, donosi:

ODLUKU  
o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 18/1-40-022493-5/22 od 12.12.2022. godine, u otvorenom postupku javne nabavke visokotlačnih modula za gašenje požara (4 komada) - **LOT 1**, po obavještenju o javnoj nabavci, broj: 1069-1-1-7-3-6/22 od 22.9.2022. godine, te se utvrđuje izbor ponuđača „PASTOR M” d.o.o. Mostar, Put za Aluminij bb, 88000 Mostar.

Član 2.

Ponuđaču „PASTOR M” d.o.o. Mostar, dodjeljuje se Ugovor o nabavci robe iz člana 1. ove Odluke, a prema ponudi broj: PO-01-1325/22 od 10.10.2022. godine za ponudenu cijenu od 82.200,00 KM (bez PDV-a) odnosno 96.174,00 KM sa uračunatim PDV-om.

Član 3.

Prijedlog Ugovora o nabavci dostavit će se na potpis izabranom ponuđaču nakon dostavljanja dokaza iz tenderske dokumentacije, a koji se odnose na izabranog ponuđača.

Član 4.

Ova Odluka stupa na snagu danom donošenja i objaviće se na web-stranici Kantonalne uprave civilne zaštite.

Obrazloženje

Kantonalna uprava civilne zaštite je dana 19.9.2022. godine donijela Odluku o pokretanju postupka javne nabavke broj: 18/1-40-022493/22 putem otvorenog postupka za nabavku visokotlačnih modula za gašenje požara i kompresora za punjenje izolacionih aparata.

Predmetna nabavka je podijeljena na LOT-ove, a LOT 1 se odnosi na nabavku i isporuku visokotlačnih modula za gašenje požara (4 komad).

Procijenjena vrijednost predmetne javne nabavke iznosila je 82.360,00 KM bez PDV-a.

Obavještenje o nabavci broj: 1069-1-1-7-3-6/22 je objavljeno na portalu javnih nabavki dana 22.9.2022. godine, a sažetak obavještenja je objavljen u "Službenom glasniku BiH", broj 66/22 od 30.9.2022. godine.

Krajnji rok za prijem ponuda bio je: 13.10.2022. godine do 10:00 sati.

Komisija za javne nabavke imenovana rješenjem Kantonalne uprave civilne zaštite broj: 18/1-40-022493-2/22 od 19.9.2022. godine je dana 13.10.2022.godine sa početkom u 11 sati izvršila javno otvaranje ponuda i sačinila zapisnik o otvaranju ponuda, na kojem je konstatovano da je za ovaj postupak javne nabavke dostavljena samo jedna ponuda i to od strane ponuđača „PASTOR M“ d.o.o. Mostar. Ponuda je dostavljena na protokol ugovornog organa dana 13.10.2022. godine u 9.40 sati.

Komisija je dana 25.10. izvršila pregled i ocjenu ponuda te sastavila zapisnik o ocjeni ponuda broj: 18/1-40-022493-5/22, na kojem je konstatovano da je za ovaj postupak javne nabavke dostavljena samo jedna ponuda i to od ponuđača „PASTOR M“ d.o.o. Mostar te je ista odbačena iz razloga što je u tenderskoj dokumentaciji, odnosno u tehničkim specifikacijama za visokotlačne module za gašenje požara tražena snaga motora od 10 kW i obrtni moment od 30 Nm/2800, a ponuđač je dostavio ponudu prema kojoj ponudeni visokotlačni moduli imaju snagu motora 10,4 kW i obrtni moment 29,8 Nm/2200, što znači da kao takvi ne ispunjavaju zahtjeve iz tenderske dokumentacije.

Kantonalna uprava civilne zaštite je na temelju ovog zapisnika o ocjeni ponuda donijela Odluku o poništenju postupka javne nabavke za LOT 1 - Nabavka i isporuka visokotlačnih modula za gašenje požara broj: 18/1-40-022493-8/22 od 26.10.2022. godine te je ponuđač „PASTOR M“ d.o.o. Mostar izjavio žalbu na istu.

Ured za razmatranje žalbi Bosne i Hercegovine, Filijala Mostar je donio rješenje broj: JN2-03-07-1-3244-7/22 od 1.12.2022. godine kojim je poništena Odluka o poništenju postupka javne nabavke za LOT 1 - Nabavka i isporuka visokotlačnih modula za gašenje požara broj: 18/1-40-022493-8/22 od 26.10.2022. godine i predmet vraćen ugovornom organu na ponovni postupak.

U drugostepenom rješenju je, između ostalog, navedeno da je tenderskom dokumentacijom traženi obrtni momenat pri 2800/okretaja/minuta koji treba biti 30 Nm, dok je ponuđač dostavio uređaj koji pri 2200 o/min daje 29,8 Nm, što je apsolutno neznatna razlika ako se uzmu u obzir kompletne tehničke karakteristike kompletnog uređaja, čime se jasno daje do znanja svim sudionicima javne nabavke pa tako i Uredu, da ponudeni uređaj daje puno veći obrtni momenat od 30 Nm.

Komisija je, u skladu sa uputama navedenim u rješenju Ureda za razmatranje žalbi Bosne i Hercegovine, Filijala Mostar broj: JN2-03-07-1-3244-7/22 od 1.12.2022. godine izvršila ponovni pregled i ocjenu ponude te sastavila zapisnik o ocjeni ponuda broj: 18/1-40-022493-5/22 od 12.12.2022. godine, u kojem je navedeno da je za ovaj postupak dostavljena samo jedna ponuda koja je blagovremena i prihvatljiva te je dala preporuku ugovornom organu da zaključi ugovor sa „PASTOR M“ d.o.o. Mostar.

Pomenuti ponuđač je dostavio ponudu broj: PO-01-1325/22 od 10.10.2022. godine, sa cijenom ponude od 82.200,00 KM, bez PDV-a, odnosno 96.174,00 KM sa PDV-om.


Prilikom ocjene provedenog ponovnog postupka, rukovodilac ugovornog organa nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom te je odlučeno kao u članu 1. ove Odluke.

#### POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi Kantonalnoj upravi civilne zaštite u pisanoj formi u najmanje 3 (tri) primjerka ili elektronskim putem.

Dostaviti:

1. „PASTOR M“ d.o.o. Mostar
2. Na web stranicu KUCZ i
3. a/a.



DIREKTOR

*Mirza Džinović*  
Mirza Džinović